



Ilikuwa Jumamosi asubuhi. Maya, Dama na Dominic walikuwa wakimsaidia Mama Koki katika bustani yake ya mboga. Watoto hao walikuwa wakipalilia na kunyunyizia mboga maji. Baadaye, walichuma mboga zilizokomaa. Kila mmoja wao angepeleka nyumbani stroberi, mchicha na karoti.




Mama Koki alipenda kuwaandalia watoto sherehe ndogo walipomsaidia. Huwapatia keki, chokoleti, au peremende zinazofanana na nyoka. Wakati mwingine aliwapatia matofaa, pea au machungwa. Mama Koki alikuwa na sharti moja tu. "Wagawe yote sawa!" Watoto walijua kuwa ni lazima wagawane kila kitu walichopatiwa kwa kiasi sawa.



Mama Koki alioka keki na watoto walisubiri kupatiwa ili wagawane. “Hii hapa keki!” Mama Koki alisema akitabasamu. “Kumbukeni sharti kwamba kila mmoja lazima apate kiasi sawa. Gaweni sawa! Mspigane!”



Maya alikuwa wa kwanza kujaribu kugawa keki. Alitumia kisu kuweka mistari juu ya keki. Wengine walimtazama. “Nitakata sehemu tatu zilizo sawa!” Maya alisema akiwaonyesha.



“Hapana!” Dama alikataa.
“Kipande cha katikati ni
kikubwa zaidi!” Dominic pia
alitikisa kichwa. Maya
alicheka kisha akamwambia
Dama ajaribu kugawa.



“Nipe kisu nikate. Hii ni kazi rahisi!” Dama alisema. Kwanza alifuta mistari aliyoiweka Maya kisha akajlamba vidole.




Dama alianza kwa kugawa kutoka juu hadi chini na kutoka upande mmoja hadi katikati. "Tazama, hizi ni sehemu tatu!"

Maya na Dominic walilalamika pamoja, "Sehemu hizi tatu si sawa!"



“Gawanya sawa! Lazima kila kipande kiwe na ukubwa ulio sawa na umbo sawa,” Dominic akaongeza.

Dama akajibu, “Dominic, si ujaribu? Nina hakika hutaweza!”



“Keki hii ingekuwa umbo la mraba au pembe nne, ingekuwa rahisi kugawa!” Dominic alisema. “Ingekuwa rahisi pia tungegawana tukiwa wanne.” Maya aliongeza kusema.



Wakati huo, Dominic alikumbuka gari la babake. Lilikuwa na alama ya mistari inayowezesha kugawa sehemu tatu zilizo sawa. Akasema, "Najua tutakavyogawa."



Dominic akachora mistari mitatu juu ya keki. Keki ingekatwa kufuata mistari hiyo, ingekuwa vipande vitatu vilivyo sawa.



Dama alisema,
“Umetushangaza sana
Dominic. Umewezaje
kuhakikisha umegawa
vipande sawa?”

Dominic alitabasamu.
Hakutaka kuwaambia siri
yake.



Wakati huo, Mama Koki alitoka ndani ya nyumba akiwa amebeba bilauri za sharubati. “Mama Koki, Dominic amepata njia ya kukata keki vipande vitatu vilivyo sawa,” Maya alimwambia.

“Hongera Dominic, umefaulu kugawa sehemu tatu zilizo sawa! Sasa ni wakati wa kwenda nyumbani,” Mama Koki aliwaambia.



Kisha Maya alikata keki taratibu kufuata mistari iliyochorwa na Dominic. Watoto walihakikisha kwamba sehemu zote zilikuwa sawa. Kila mmoja akaiweka keki yake tayari kwenda nyumbani.



Babake Dominic alipowasili kuwachukua watoto, Dominic alimlaki akitaka kumweleza jinsi alivyofaulu kuigawa keki vipande vitatu vilivyo sawa. Andika hapa tafsiri ya maumbo haya.

